



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 1. An beneficia Ecclesiastica jure consanguinitis acquiri possint?

[urn:nbn:de:hbz:466:1-73045](#)

generaliter, nimurum pro omni canonica beneficii provisione, ut exposuimus alibi, quæ contingit beneficii liberâ collatione, vel præsentati institutione, vel electi confirmatione; aut postulationis admissione, vel translatione legitimâ, vel etiam renuntiatione in favorem alterius, per Superiorum legitimum receptâ, ex quo sequitur beneficium illegitime, seu non justè acquiri sine canonica institutione, per reg. i. de reg. jur. in 6.

§. 1.

An beneficia Ecclesiastica jure consanguinitatis acquiri possint?

⁴⁰⁵ R. Beneficium Ecclesiasticum, vel bona Ecclesiastica, non acquiri legitime, ac justè, jure consanguinitatis, ex testamento, vel ab intestato, prima pars est ex c. *ut nullus. i. h. t. ibi: ut nullus de Clero, sive populo, Ecclesiastica bona, jure consanguinitatis sibi requirat habenda.* Altera pars est, quia beneficium sine canonica constitutione, seu provisione non potest obtineri per. i. reg. de reg. jur. in 6. sed acquisitione beneficii ex successione jure sanguinis, ex testamento, vel ab intestato, non est ex canonica institutione, sicut nec acquisitione ejus ex præscriptione, intrusione &c. per dicta in; cit. regula. i. ergo.

Dices: beneficia patrimonialia, cum vacant, acquiruntur jure consanguinitatis, ut dictum est à num. 300. R. beneficia patrimonialia non acquiri *mero jure consanguinitatis*; sed deperidenter ab institutione, seu provisione canonica, si enim sint propriæ *collativa*, non obtinentur sine libera collatione, si *electiva*, sine electi, vel postulati confirmatione, vel admissione: si *patronata*, sine institutio-
ne præsentati.

⁴⁰⁶ Quæstio ulterior est, an valeat pactum beneficiati cum altero, *de succedendo* in beneficio post mortem? 2. An vivente beneficiato, & jam in extremis constituto, institui possit tractatus de Successore? 3. an dari Coadjutor cum jure succedendi? 4. an saltem præsentari, vel nominari Successor, Antecessoris desperata vitâ? 5. an valeat institutio alicujus in beneficio sub conditione, ut aliis succedat, siis, qui de præsenti habet, moriatur, resignet, vel alio transferatur?

Ad 1. R. quod non ex dicendis tit. 7. Tom. III.

Pactum enim de succedendo etiam jure civili reprobatur L. ult. C. de præd. ibi: *nobis omnes hujusmodi pactiones odiosæ esse videntur, & plene tristissimi, & periculosi eventus.* Quare enim quodam vivente & ignorantre de rebus ejus quidam pacientes convenient? Secundum veteres itaque regulas sancimus, omnimodo hujusmodi pacts, quæ contra bonos mores inita sunt, repellit, & nihil ex his pactionibus observari.

Ad. 2. R. constat ex dictis si enim non excludat canoniam institutionem, non obest. Ad 3. constabat à ex tit. 6. de Clericis agrot. ad 4. R. quod non, ex dicend. in tit. 7. de concess. præbend. nam talis præsentatio æquivaler promissio beneficii non vacantis, quæ nulla est.

Ad. 5. R. quod non, constat ex c. Accipimus. 5. de pacts, ubi Alexander Pontifex ad Archiepiscopum Eboracensem scribens, accipimus, inquit, quod quedam sint Ecclesiæ Clericis tali tenore concessæ, quod, post eorum obitum, alii nominantur succedant; verum, quoniam hoc iniquum est, & Sacris Canonibus inimicum, & ideo non debet aliquatenus tollerari: mandamus, quatenus hujusmodi successiones, tam detestabiles, & iniurias, appellatione cessante, prohibeas, & omnino frivolas & inanes esse decernas.

§. 2.

De jure, quod acquirit provisus in beneficio.

Q ualiter, & quando provisus in beneficio per viam electionis, vel postulationis, acquirat jus in beneficio, ad quod legitimè electus, aut postulatus est? diximus lib. i. tit. 5. de postulat. Prælat. & 6. de Electione; quæstio superest, de acquirente illud per liberam collationem, seu quando provisus est in beneficio propriæ collativo, de quo diximus num. 243. In ordine ad hoc quæstio. 1. est, an Collatorius in beneficio sibi collatos, acquirat jus aliquod in eo ex præcisa collatione, etiam ante acceptationem? 2. supposita collatione; 3. si non acceptavit intra terminum pro acceptando præscriptum? 4. si primum acceptum post lapsum termini?

R. istarum quæstionum resolutionem ⁴⁰⁸ pendere ex c. si tibi absenti. 17. h. t. in 6.